

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԵՐԵՎԱՆ ՔԱՂԱՔԻ ԱՎԱԳԱՆԻ

«---» -----2022թ.

N----Ա

ՈՐՈՇՈՒՄ

ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ

Հիմք ընդունելով Երևան քաղաքի ավագանու 2021 թվականի դեկտեմբերի 28-ի հ. 498-Ն որոշման հավելվածի 3-րդ կետը՝

Երևան քաղաքի ավագանին որոշում է.

1. Երևան համայնքի սեփականություն հանդիսացող ք. Երևան, Գայի պողոտայի հ. 19 հասցեում գտնվող վարչական շենքի 6-րդ հարկից (թվով 4 սենյակ) 65.27 քմ. ընդհանուր մակերեսով ոչ բնակելի տարածքը մինչև 2025 թվականի ապրիլի 30-ը ժամկետով անհատույց օգտագործման իրավունքով տրամադրել «ՍՕՍ-Մանկական Գյուղեր» հայկական բարեգործական հիմնադրամին:

2. Երևանի քաղաքապետին՝ ապահովել սույն որոշման 1-ին կետում նշված ոչ բնակելի տարածքի անհատույց օգտագործման պայմանագրի կնքումը «ՍՕՍ-Մանկական Գյուղեր» հայկական բարեգործական հիմնադրամի հետ՝ դրանում ներառելով նաև պայմանագրային հետևյալ պարտավորությունները.

1) Անհատույց օգտագործման իրավունքը գրանցելուց հետո, առնվազն 1 ամսվա ընթացքում սկսել տարածքի վերանորոգման աշխատանքները,

2) յուրաքանչյուր 6 ամիսը մեկ ներկայացնել գրավոր հաշվետվություն հիմնադրամի գործունեության և կատարված աշխատանքների վերաբերյալ,

3) տարածքի վերանորոգման աշխատանքներն ավարտել ոչ ուշ, քան այն սկսելուց հետո՝ 2 ամսվա ընթացքում,

4) աշխատանքներն ավարտելուց հետո տարածքն օգտագործել բացառապես հիմնադրամի գործունեության շրջանակում նախատեսված ծառայությունները մատուցելու համար:

ԵՐԵՎԱՆԻ ՔԱՂԱՔԱՊԵՏ

ՀՐԱՉՅԱ ՍԱՐԳՍՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

«ՍՕՍ-Մանկական Գյուղեր» հայկական բարեգործական հիմնադրամի Ազգային տնօրեն Ս. Սարգսյանը 2021 թվականի նոյեմբերի 24-ին դիմել է Նոր Նորք վարչական շրջանի ղեկավարին՝ խնդրելով Նոր Նորք վարչական շրջանի աշխատակազմի շենքում անհատույց օգտագործման իրավունքով մինչև 2025 թվականի ապրիլի 30-ը ժամկետով տրամադրել 4 սենյակ՝ ծրագրի գործունեության շրջանակում նախատեսված ծառայությունները մատուցելու համար:

Մասնավորապես նշվում է, որ «ՍՕՍ-Մանկական Գյուղեր» հայկական բարեգործական հիմնադրամը նախաձեռնել է «Համակարգային խնդիրների վերհանում. աջակցություն երեխաների պաշտպանության ոլորտի բարեփոխումներին» ծրագրի իրականացումը: Ծրագրի ընդհանուր նպատակն է աջակցել խոցելի խմբի երեխաների անհատական ճանաչողական, զգացմունքային և սոցիալական զարգացմանը՝ որակյալ կանխարգելման ծառայությունների, համայնքահեն խնամքի և ապահիստիտուցիոնալացման ջանքերի միջոցով՝ ՄԱԿ-ի երեխաների այլընտրանքային խնամքի ուղեցույցին համահունչ:

Ծրագիրը մեկնարկում է 2021 թվականի դեկտեմբերի 1-ից՝ 41 ամիս տևողությամբ (մինչև 2025 թվականի ապրիլի 30-ը): Այն իրականացվելու է Երևան քաղաքում և Շիրակի մարզում: Ծրագրի շրջանակներում հիմնադրամի կողմից երեխաներին և նրանց ընտանիքներին տրամադրվելու են սոցիալական խորհրդատվական, բնաիրային, հոգեբանական աջակցություններ, ինչպես նաև ապահիստիտուցիոնալացման գործընթացի շրջանակներում ստեղծվելու են համայնքահեն ծառայություններ՝ ուղղված երեխաների իրենց կենսաբանական ընտանիքների հետ վերամիավորման գործընթացում աջակցելուն:

Տրամադրման համար քննարկվող 4 սենյակներում հիմնադրամի կողմից ներկայացված ծրագրի համաձայն աշխատելու է բազմամասնագիտական թիմ՝ բաղկացած ծրագրի համակարգողից, սոցիալական աշխատողներից, հոգեբանից:

Վերջիններիս կողմից ծրագրի գործունեության շրջանակում մատուցվելու են ծառայություններ կյանքի դժվարին իրավիճակում հայտնված և անչափահաս երեխաներ ունեցող ընտանիքներին: Նշված ծառայությունները ուղղված են լինելու՝ սոցիալ-հոգեբանական, առողջապահական, բնաիրային աջակցություններ, ինչպես նաև անհրաժեշտության դեպքում իրավաբանական խորհրդատվություն տրամադրելուն: Ծրագրի շրջանակներում նախատեսված են նաև դասընթացներ շահառուների համար, որոնք ուղղված են ծնողավարման հմտությունների զարգացմանը, ծնող-երեխա փոխհարաբերությունների բարելավմանը, սթրեսային իրավիճակների հաղթահարմանը, մասնագիտական կողմնորոշմանը և այլն:

Ծառայությունները տրամադրվելու են երկուշաբթիից ուրբաթ, ժամը 09:00-18:00:

Հիմնադրամն իր կողմից իրականացնելու է այդ սենյակների վերանորոգումը, ինչպես նաև պատրաստակամ է իրականացնելու նաև առաջարկվող ևս 4 սենյակի կոսմետիկ վերանորոգում:

Հիմնադրամի կանոնադրության և ներկայացված ծրագրի ուսումնասիրությունից պարզ է դառնում, որ «ՍՕՍ-Մանկական Գյուղեր» հայկական բարեգործական հիմնադրամին աջակցելը բխում է երեխաների լավագույն շահերից:

Ելնելով վերոգրյալից՝ Երևան քաղաքի ավագանու քննարկանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

ՀՐԱՉՅԱ ՍԱՐԳՍՅԱՆ

ՏԵՂԵԿԱՆՔ

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ
ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ
ԲԱՑԱԿԱՅՈՒԹՅԱՆ ՄԱՍԻՆ**

«Անհատույց օգտագործման իրավունքով գույք տրամադրելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ
ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն առաջանում:

ԵՐԵՎԱՆԻ ՔԱՂԱՔԱՊԵՏ

ՀՐԱՉՅԱ ՍԱՐԳՍՅԱՆ